

Ilanngussaƙ F



Uunga: Inatsisartut Aningaasaqarnermut Akileraartarnermullu Ataatsimiititaliaat
Att: Sakarias Amondson.

**2018-imi aningaasanut inatsisissatut siunnersuutip
aappassaaneerneqarneranut allannguutissatut siunnersuutitut
Aningaasaqarnermut Akileraartarnermullu Ataatsimiititaliap
apeqqutaanut akissutit**

Allakkap ullua: 10-11-2017
Suliap nr. 2017 - 2644
Allagaatip suussusaa 6575971

P. O. Box 1037
3900 Nuuk
Oqa. (+299) 34 50 00
Nassitsigasuaat (+299) 34 63
50
E-mail: oed@nanoq.gl
www.naalakkersuisut.gl

Matumuuna 2018-imi aningaasanut inatsisissatut siunnersuutip
aappassaaneerneqarneranut allannguutissatut siunnersuutitut
Aningaasaqarnermut Akileraartarnermullu Ataatsimiititaliap apeqqutaanut
Naalakkersuisut akissutaat nassiunneqarput.

Apeqquut 1:

Sammisaq 1: Aaqqissuinikkut allannguutit

Konto pingaarneq 24.11.11 Qamutitut motoorilinnut akitsuutit - AS nr. 3

Qamutitut motoorilinnut, tassungalu ilanngullugu innaallagissamik/brintimik
ingerlatilinnut aamma plug-in hybridbiilinit akitsuutit allanngortinneqarnissaat
pillugu siunnersuummik suliaqarneq qaqugu naammassineqartussatut
Naalakkersuisunit naatsorsuutigineqarpa aammalu sulineq sumut killippa?

Akissut: Naalakkersuisut motoorilinnut akitsuutitut nutaanut siunnersuutip
2018-imi upernaakkut ataatsimiinnissamat saqqummiunnissaa neriuutigaa.
Inatsisissatut siunnersuummik suliaqarneq naammassineqalerpoq sulinerlu
ilimagineqartutut ingerlassappat siunnersuut 2017-imi decembarip naamissaa
sioqqullugu tusarniutigineqarluni nassiunneqassalluni.

Apeqquut 2:

Sammisaq 2: Missingersuutitut sunniuteqanngitsumik allannguutit

Konto pingaarneq 40.01.08 Ilinniartitaanermit tunngasumi immikkoortumut
pilarsaarut – AS nr. 28

Aningaasaliissutit ikilisinneqarnerat ilinniartitaanerup
suliniuteqarfigineqarneranut eqquissa-soq Naalakkersuisunit
naatsorsuutigineqarpa?

Akissut: Kontomi pingaarnermi 40.01.08-imi aningaasat ilinniartitaanermut tunngasumi immikkoortumut pilersaarummut kiisalu Naalakkersuisut ilinniartitaanermut pilersaarutaannut tunngatillugu suliassanut atorpeqassapput. Aammattaaq konto pingaarneq ilinniartitaanermut tunngasut iluanni aningaasartuutininut naatsorsuutiginniganut atatillugu sillimmataassallutik. 2017-imut AI-mi siunertamut 20,664 mio. kr.-it immikkoortinneqarsimapput, 2018-imilu AIS-imi 20,204 mio. kr.-it immikkoortinneqarsimallutik tassa 2,2 %-imik ikileriaateqarneq. Naalakkersuisut isumaqarput pingaarnersiueq tunngavigalugu kiisalu allanut naleqqiullugu annikilliliinerup annikitsuunera pissutigalugu 2017-imut Ilinniartitaanermut pilersaarummi anguaniakkat 2018-imut Ilinniartitaanermut pilersaarummi aalajangiussimaneqassasut.

Apeqqut 3:

Sammissaq 5: Suliassanik kommuninut nuussineq

Konto pingaarneq 20.05.20 Kommuninut ataatsimoortumik tapiissutit – AS nr. 49

- a) Qassiarsummi atuarfimmik/atuartut angerlarsimaffiannik, Alluitsup Paani atuarfimmik aammalu Kangaatsiami atuarfimmik sanaartorneq 80 mio. kr.-nut kommuninut nuunneqartussanut ilaasutut ataatsimiititaliamit paasineqassava?

Akissut: Naamik, pilersaarutit eqqaaneqartut namminersorlutik oqartussanut naammassineqassapput. Taakku 2017-imut AI-imi sanaartornermut aningaasaliissutitigut aningaasalersorneqassapput, Sanaartornermut Iluarsaassinernullu aningaasaateqarfimmiit ukiuni aggersuni siunertanut atorpeqarsinnaasut.

- b) Kommuninut nuussinerup kingorna atuarfimmut suliassaqarfimmi sanaartukkanut atatillugu atuinersutaasinnaasunut aningaasaqarnikkut akisussaaffik kikkunnit tigummineqassanersoq ilisimatitsissutigeqqullugu Naalakkersuisut qinnuigineqarpat?

Akissut: Atuinersutaasinnaasunut akisussaaffik kommunini ataasiakkaaniippoq. Aningaasaliissutit akisussaaffillu ingerlaqatigiippot, suliassalli taassuma kommuninut nuunneqarneranut ilaalluni piffissami ukiuni sisamani ataatsimoortumik tapiissutinit taamaaqataanik ilanngaatigineqarnerisigut atuinernerup aningaasalersornissaanut qinnuteqartoqarneratigut namminersorlutik oqartussat immikkut aningaasaliisinaallutik. .

- c) Kangaatsiap aturfianut atatillugu sulineq erseqqinnerusumik sumut killippa?

Akissut: Kangaatsiap aturfiani nutaami sulinerup killiffia tassaavoq taanna pilersaaruserup nalaaniilluni. Suliariumannittussarsiuussineq naatsorsuutigineqarpoq 2018-imi februaarip aallaqqaataani pissasoq, illutoqqap isaterneqarnera naatsorsuutigineqarpoq 2018-ip maajip qiteqqunnerani naammassineqassasoq. Illassut nutaaq naatsorsuutigineqarpoq 2018-imi juunip naanerani aallartinneqassasoq.

- d) Kommunini sanaartugassat annertuut ataatsimoortumik tapiissutit aqqutigalugit immikkut aningaasaliissutigineqartarnissaat periarfissaasutut Naalakkersuisunit isigineqarpa, taamaaliornikkut taakku kommuninut agguaassassanut ataatsimoortunut ilaatinneqaqqunagit?

Akissut: Naamik, kinguneqarluartumik pilersarusiornermut aqutsinermullu pingaaruteqarpoq immikkoortumi marloqiusamik allaffissortoqannginnissaa. Immikkoortup isumaginissaanut aningaasaliissutit tamaasa kommuninit 2018-imi tiguneqassapput. Atuinerunerup aningaasalersornissaanut pisuni ataasiakkaani kommuni immikkut aningaasanik pisariaqartitsissappat taava piffissami ukiuni sisamani ataatsimoortumik aningaasaliissutini taamaaqataanik ilanngaassisoqarneratigut aningaasanik taakkuninnga namminersorlutik oqartussat aningaasaliisnaapput, tak. apeqqutip b)-ip akissutaa.

Aammattaq ilanngunneqarsinnaavoq akisussaaffiup namminersorlutik oqartussaniit kommuninut nuunneqarnerata kingorna kommunit akisussaaffiinut tunngasut pissutsit qulaani eqqaaneqartut 2017-ip ingerlanerani ataatsimoortumik tapiissutit pillugit isumaqatigiinniarnernut atatillugu arlaleriarlugit eqqartorneqarsimmata.

Apeqqut 4:

Sammissaq 6: Kontumit pingaarnermit atugassanngortitsineq

Konto pingaarneq 40.92.10 Folkehøjskolit – AS nr. 57

- a) Atuartut amerlassusiisa annertuumik nikerarnerinut atatillugu taxameeteri atorlugu tapiissutit annertussusii aalajangersimasut atuarfiit ingerlatsiinnarsinnaanerannut eqquinnginnissaat Naalakkersuisunit qanoq qulakkeerneqalersaarpa?

Akissut: Højskolit marluullutik ilisimatitsisimapput ukiut tamaasa højskolimiinnissamat nalinginnaasumik 200-it aamma 300-it akornanni qinnuteqaatinik tigusaqartarlutik. Taamaattumik højskolit ukiumut atuartunik 55-inik tigusinissaannut qinnuteqartartut naammapput, højskolini maannakkut piginnaasaat naapertorlugit tiguneqarsinnaallutik. Naalakkersuisut taamaalillutik aamma naatsorsuutigaat atuartunik inissaqartitamik tamaasa tigusinissaannut aningaasatigut kajumissaateqartut.

- b) Atuarfiit amerlavallaanik atuartoqalernissaat, taamaalillutillu tapiissutinik sapingisamik amerlanerpaanik qulakkeerninniarsinnaanerat aarleqqutigineqarsinnaasutut Naalakkersuisunit isigineqarpa?

Akissut: Højskolit marluullutik ilisimatitsisimapput ukioq naallugu atuartunut 55-inut inissaqartitsillutik. Naalakkersuisut taamaattumik naatsorsuutiginnigilaat højskolit inissaqartitaminnit amerlanerusunik atuartunik tigusissasut.

Apequt 5:

Sammissaq 7: Konto pingaarneq 20.11.51 Aaqqissuusseqqinerit sunniutaat AS nr. 58-63 pillugit

Sammissap matuma ataani kontoni pingaarnerni ataasiakkaani kisitsisinut atatillugu naatsorsuinermit tunngaviit qanoq ittut Naalakkersuisunit atorneqarsimappat?

Akissut: Sammissap ataani AS nr. 58-ip, 60-it aamma 62-ip piviusunnngortinnissaanut naatsorsuinermit tunngavigineqartunut atatillugu UPA2017/145-imi "Siunnersuut: Isertitat akileraarusertarneri pillugit Inatsisartut inatsisaata nr. 12, 2. november 2006-imeersup allanngortinneqarnera pillugu Inatsisartut inatsisaat nr. xx, xx.xxx 2017-imeersup" suliarineqarneranut innersuussisoqarpoq. Inatsisissatut siunnersuummi nassuiaatinit nalinginnaasunit takuneqarsinnaavoq siunnersuut ukiumut katillugit 10 mio. kr.-nik iluanaaruteqarnermi kinguneqassasut ataatsimut missiliorneqartoq. Nassuiaatinit takuneqarsinnaavoq iluanaarutissat pillugit missiliuutaasut allannguutillu ilaannut iluanaarutissatut naatsorsuutigisat eqqortumik annertussusilernissaat sapernartoq. Iluanaarutit ukiumiit ukiumut annertuumik allanngortarnissaat ilimagineqarpoq.

AS nr. 59-ip, 61-ip aamma 63-ip piviusunnngortinnissaannut naatsorsuinermit tunngavigineqartunut atatillugu 2016-imi ineqarnermut tapiissutit kommuniniit akilerneqartarneri tunuliaqutaralugit ineqarnermut tapiissutit pitsannguutissaannut aningaasartuutit naatsorsorneqarsimapput. Akigititat nutaat atuuttuuppata ineqarnermut tapissutit qanoq annertutigisut immikkut akilerneqarsimasinnaaneri naatsorsorneqarsimapput.

Apequt 6:

Sammissaq 8: Nukissiuutinut akigititanik aaqqissuusseqqinneq Nukissiorfiit pillugit AS nr. 70

- a) Nukissiuuteqarnermut immikkoortumi assigiimmik akeqartitsisoqalernerata kingunerisaanik immikkoortumik missingersuutinut ilanngussami ilanngussinissaq Naalakkersuisut qinnutigaat. Nukissiuuteqarnermut immikkoortumi assigiimmik akeqartitsilernerup assilineqarnera ataatsimiititaliamit Naalakkersuisunut qinnutigineqarpoq.

Akissut: Akeqartitsilerneq imatut isikkoqarpoq:

- Innaallagissamut assigiimmik akeqartitsilerneq: 1,6 DKK/kWh
- Imerkik assigiimmik akeqartitsilerneq: 19 DKK/M³
- Aalisakkerivinni akikillisaaneq: Innaallagissamut imermilu ataatsimoortumik 41,5 % taamaattorli annerpaamik atuisut allat

assigalugit akigititaq assigissallugu minnerpaamillu atuisunut allanut akip 41,5 %-ianik.

- b) Kalaallit Nunanni najukkanut ataasiakkaanut tunisassiornermi akigitinneqartunut takussutissiaq ataatsimiititaliamit Naalakkersuisunut qinnutigineqarpoq .

Akissut: Nukissiorfiit immikkoortuni aningaasartuutaat Nukissiorfiit nittartagaanni sullitanik kiffartuussinermi, akini, immikkoortuni aningaasartuutini takuneqarsinnaapput. Ataaniittumi kalaallisut danskisullu attaviit takukkit:

<http://www.nukissiorfiit.gl/kiffartuusineq/akit/ataatsimoortumik-alingaasartuutit/>

<http://www.nukissiorfiit.gl/kundeservice/priser/enhedsomkostninger/?lang=da>

Apequt 7:

Sammissaq 8: Nukissiuutinut akigititanik aaqqissuusseqqinneq Nukissiorfiit pillugit AS nr. 71-74

Konto pingaarneq 89.71.41, Nukissiorfiit, sanaartornermut taarsigassarsiarititat, nunagissaaneq, peerneqarmat aningaasaliissutillu konto pingaarnermut 89.71.40-mut, Nukissiorfiit, sanaartornermut taarsigassarsiarititanut, nuunneqarnerat ataatsimiititaliamit iluarisimaarlugu maluginiarneqarpoq.

- a) Ernianik naatsorsuinermi tunngaviup nutaanngornera aammalu akilersuinermi sivitsuineq aningaasaqarnikkut qanoq kinguneqartussatut Naalakkersuisunit naatsorsuutigineqarnerat paasissutissiissutigineqassasoq ataatsimiititaliamit kissaatigineqarpoq?

Akissut: 2016-imi taarsigassarsinermit akilersuinissaq ukiut 20-iussapput ukiumut 3 %-imik ernialersugaq. 2016 sioqqullugu taarsigassarsiat taarsigassarsiani ataatsimut katersorneqarput. Assigiimmik akeqartitsilernerup malitsigisaanik akilersuutit tamarmiusut ukiumut 70 mio. kr.-nik ikilinqarput, 2016-ilu sioqqullugu taarsigassarsianut akilersuutit taamaaqataanik sivitsorneqarlutik. Akilersuinerup sivitsorneqarneranut taarsiissutitut 2016 sioqqullugu taarsigassarsianut erniat appariartortinnissaat aalajangerneqarsimavoq. Erniat aalajangersarneqarput akilersuinerit sivitsornerini erniat sunniutaat aamma erniat appasinnerulernerisa sunniutaannut naapertuutilerlutik.

2016 sioqqullugu taarsigassarsianut erniat aallaqqaammut ukiumut 6 %-imik erniatut aalajangersagaapput. 2016 sioqqullugu taarsigassarsianut isumannaallisakkanut ukiumut erniat 0,22 %-pointinik ikilisikkiartorneqarput ukiumut erniat 3 %-iulernissaasa tungaanut, tamatumalu kingorna taamatut qaffasissuseqarneri aalajangiussimaneqarlutik. Tamanna piffissamut 2018-imut ukiunullu missingersuusiorfiusunut katillugit 150.000 DKK-nik Nunatta Karsianut erniatigut ajunngitsumik sunniuteqartitsivoq.

- b) Nunaqarfiit isorliunerusullu illoqarfinnut anginernut siusinnerusukkut qanoq annertutigisumik tapeeqataasarpap aammalu allannguutissatut siunnersuutip akuerineqarnerata kingorna qanoq annertutigisumik tapeeqataasassappat?

Akissut: Illoqarfinni anginerusuni akit appasissumiitinniarlugit nunaqarfiit isorliunerusullu siusinnerusukkut tapeeqataaanikuunngillat. Ilisimaneqartutut – manna tikillugu akileeriaatsimi – innaallagissamut imermullu akit sumiiffinni immikkoortuni aningaasartuutit akilerneqartarput, taamaattorli politikkikkut aalajangerneqarsimasoq annerpaamik akigititassaq sumiiffinni ataasiakkaani akilerneqartarluni, soorlu aamma politikkikkut aalajangerneqarsimasoq minnerpaamik akigititassamik annikinnerusumik akiliisoqarneq ajortoq. Atuisunut akigititat sumiiffimmiit sumiiffimmut annerpaamik akigititap aamma minnerpaamik akigititat akornanni allanngorarput. Piviusumik nunaqarfinni amerlanertigut annerpaamik akigititap akilerneqartarpoq, illoqarfiillu erngup nukeqarfiusut akigititaviit imaluunniit minnerpaamik akigititat akilertarlugit. Taamaalilluni illoqarfinnit erngup nukeqarfiusunit angisuuniit illoqarfinnut mikinerusunut nunaqarfinnullu tapiisoqartarpoq. Akini nutaani illoqarfinni nunaqarfinnilu tamani akit appartinneqassapput. Appartitsinerit anginerpaat illoqarfinni mikinerni nunaqarfinnilu pisussaapput.

Apequt 8:

Oqaasertaliussat

Nukissiorfiit pillugit AS nr. 88

- a) Konto pingaarnermut 64.12.02-mut, Nukissiorfinnut tunngasumut, nassuiaatiniallassimavoq 2018 aallarnerfigalugu akeqartitseriaaseq nutaaq nammaqatigiinnermik naapertuilluarnermillu tunngaveqartoq atuutilersinneqassasoq Tamatumani nunatsinni sumiiffinni tamani ilaqtariit inuussutissarsiornermillu ineriartortitsinerup assigiimmik atugassaqartinneqarnissaat qulakkeerniarneqarluni.
- b) Akeqartitseriaatsimi nammaqatigiinneq naapertuilluarnerlu taaneqartut allatut periuseqarluni qulakkeerneqarsinnaappat, taamaaliornikkut

atuisumut aammalu assersuutigalugu inoqutigiit isertitaannut toqqaannarnerusunngortillugu. Aningaasanut inatsisissatut siunnersuummi nalinginnaasumik nassuiaatit ataatsimiititaliamit innersuussutigineqassapput, tassani meeqqanut ineqarnermullu tapiissutit allanngorneri (takuuk kalaallisuuani qupp. 167) aamma illuliortiternernut aningaasalersuisarnermik aqqissuusseqqinneq (takuuk kalaallisuuani qupp. 169) Naalakkersuisunit taaneqarput. Tassunga atatillugu isumaginnermi aqqissuusseqqinnissaq ineqarnermut tapiissutitinek meeqqanullu tapinik imaqartoq kiisalu attartortitsisarnermik aqqissuusseqqinnissaq Naalakkersuisunit taasaqarfigneqarput, tamatumani soqutigisat isiginiagassallu minnerunngitsumik inuuniarnermut tunngasut isiginiarneqassallutik. Nukissiuuteqarnermi sullississutitut (innaallagialu, imeq kiassarnerlu) isertitat apeqquataatillugit tapiissuteqarnissaq pineqartunut, tassalu assersuutigalugu ineqarnermut tapiissutitinek meeqqallu tapiinik pissarsisartunut immikkut soqutiginaateqassasooq ataatsimiititaliamit ilimagineqarpoq

Akissut: Taamatut aqqissuusinnerup isertitat pillugit nalunaarsukkat tunuliaqutaralugit ataavartumik akiligassiissutigisarnerisigut kiisalu isertitat pillugit nalunaarsukkat taakku uuttuutitut ataasiakkaanut ataatsimuulersinnerisigut annertuumik allaffissornerujussuaq kingunerissavaa. Aammattaaq nioqqutissanik kiffartuussinernillu soorlu innaallagissamik, imermik kiassarnermillu pilersuinnermut akiligassanik akileeqqusinnermut atugassat inuit pillugit paasissutissat isertuussassat mianernartut pillugit naammattumik tunngavinnik pilersitsisoqarsinnaaneramik misissueqqissaarnermik tamanna piumasaaqassalluni. Tassunga atatillugu eqqaasissutigineqassaaq pisortat akiliutaat assigisaallu pilugit Nukissorfiit oqartussatut aalajangiineq ajormata. Taamatut aqqissuusinnerup kiffartuussinernik taakkuninnga pilersuinnermut atasut innaallagissamut, imermut kiassarnermullu akilerneqartussat akigititat aalajangersarneqartarunnaassallutik, tamannalu Nukissiorfinnut aningaasatigut annaasaqarnermik kinguneqassalluni. Qulaani eqqaaneqartut tunngavigalugit sullitat ataasiakkaat isertitaat tunngavigalugit akigititanik aqqissuusinnerissaq Naalakkersuisunit kaammattuutigineqarsinnaanngilaq. Naalakkersuisunit saqqummiunneqartoq akit aqqissuunneri isertitakinnerusunut annertuumik iluaqusiivoq, tassa innuttaasut ukiumut innaallagissamut imermullu aningaasartuutaat annertoorujussuarmik ikilisinneqassammata.

Soorlu takussutissiamit ataaniittumit takuneqarsinnaasooq sipaarutit annertuut pineqarput. Assersuutigalugu Kullorsuarmi nalinginnaasumik ilaqutariit angajoqqaat marluk marlunnik meerallit ukiumut 5.775 kr.-nik sipaaruteqassapput.

Akinik aaqqissuussineq – inoqutigiit ukiumut sipaarutaat

Inoqutigiit ukiumut sipaarutaat (innaallagiaq imerlu)	Ilaqutariinni angajoqqaanut marlunnut meeqqanullu marlunnut sipaarutit		Ilaqutariinni angajoqqaanut ataatsimut meeqqanullu marlunnut sipaarutit	
	Ilaqutariit 1 – DKK	Ilaqutariit 1 - %	Ilaqutariit 2 - DKK	Ilaqutariit 2 i %
Tasiilaq	7.935	48 %	5.565	49 %
Kullorsuaq	5.775	51 %	4.125	51 %
Qaqortoq	4.785	36 %	3.315	36 %
Ilulissat	3.168	27 %	2.262	28 %
Nuuk	1.088	11 %	730	11 %
Sisimiut	415	5 %	282	5 %

- c) Tamanna nukissiorfiit aningaasartuuteqartarneranni pissutsit ersarinnerulernerannik pilersitsissasoq, tamatumalu peqatigisaanik inuuniarnikkut oqimaaqatigiissaariffiunerusumik akeqartitseriaaseqalernissamik qulakkeerinnissasoq ataatsimiititaliamit ilimagineqarpoq, tassa tapiissutit pisariaqartitsivittunut taamaaliornikkut tunniunneqartalissammata.
- d) Akinik iluarsaaqqinneq tamanut – tassa atuisunut inuussutissarsiortunullu – sipaaruteqaataassasoq Naalakkersuisut paasissutissiissutigaat. Allannguutissat siunnersuummut ilanngussaq 1-imi (aningaasaliissutitut takussutissiaq) allassimavoq sammisaq 8: Nukissiuuteqarnermi akigitinneqartut aaqqissuuteqqinnerannut tunngasoq, piffissami missingersuusiorfiusumi IST-mut 38 mio. kr.-erluinnangajannik nunatta karsianut nakkartussanik sunniuteqassasoq. Taakku naligaat piffissami missingersuusiorfiusumi ukiumut 9,5 mio. kr.-it missaannik sipaaruteqarneq.
- e) Kikkut tamarmik sipaaruteqarpata sipaarutit taakku arlaannit pissarsiarineqarsimassasut ataatsimiititaliamit ilimagineqartariaqarpoq. Sipaarutissat sumit pissarsiarineqarsimanersut paasissutissiissutigeqqullugu Naalakkersuisut ataatsimiititaliamit qinnuigineqarput

Akissut: Akinik aaqqissuussinerup kingunerissavaa Nunatta Karsiata aamma Nukissiorfiit akornanni aningaasatigut tunngasut allanngortinnerat. Aaqqissuussineq IA-mut aamma ISA-mut missingersuutitut sinaakkusiussat iluanni imminut aningaasalersorpoq. Namminersorlutik Oqartussat pisortat

suliffeqarfiutaat kommunillu ilanngullugit imermut innaallagissamullu akit appasinnerulernerisigut 61 mio. DKK-it missaannik sipaaruteqassapput, taamaattumik aningaasaliissutit taamaaqataannik appartinneqarput. Nukissiorfiit ingerlatsinermut tapiissutaat 69 mio. DKK-it missaannik qaffanneqarput. Aammattaaq taarsigassarsiani pioreersuni piffissaq utertitsiffiususaaq sivitsorneqarpoq, taamaalilluni Nukissiorfiit ukiumut 70 mio. DKK-it missaannik sipaaruteqarlutik. Paarlattuanillu Nukissiorfiit sanaartornernut taarsigassarsiaannut aningaasaliissutit ukiumut 80 mio. DKK-it missaannik annikillineqarlutik, inuussutissarsiortuni namminersortuni aningaasartuutit apparnerisa kingorna. Aammattaaq 2019 aallarnerfigalugu ukiumut 10 mio, korusuunngajannik akileraarutinit iluanaaaruteqarpoq, suliffeqarfiit namminersortut aningaasartuutaasa appasinnerunerisa malitsigisaanik. Sipaarutit sunniutaat tassaapput akit appartinnerisigut iluanaarutit innuttaasunut inuussutissarsiortunullu namminersortunut immikkoortinneqarneri aalisakkeriviit ilanngullugit.

- f) Illuatungaatiigulli aamma apequtigineqarsinnaavoq kikkut tamarmik annertuallaamik akiliisartut Naalakkersuisunit qanoq siviutigisumik ilisimaneqarsimava ?

Akissut: Nukissiorfiit 2016-imi Nunatta Karsianit tapiissutit sioqqullugit 23,5 mio. DKK-it missaannik amigartooruteqarput. 24. mio. DKK-inik ingerlatsinermut tapiissutit kingorna taamaalilluni 0,5 mio. DKK-it missaannik sinneqartoortoqarpoq. Sulliutat taamaalillutik ataatsimut isigalugu annertuallaamik akiliisimangillat, tassa innaallagissamik imermik kiassarnermillu pilersuinerimi aningaasartuutit sullitat akilersimasaannit 23,5 DKK-it missaannit qaffasinnerummata. Ilisimatitsissutigineqartut akit minnerpaaffeqartillugit annerpaaffeqartillugit Aningaasanut Inatsimmi akinik aalajangersaanerup malitsigisaanik illoqarfinniit erngup nukeqarfiususuniit angisuuniit illoqarfinnut mikinerusunut nunaqarfinnullu tapiissuteqartoqarsimavoq.

Apequt 9:

Oqaasertaliussat

Konto pingaarnermut 64.13.23 Majoriaq – AS nr. 89

- a) Allannguutissatut siunnersuummut tunngavilersuut ataatsimiititaliamit amigaatigineqarpoq. Allannguutissatut siunnersuut ima paasineqassava; suliassap taassuma kommuninit tamarmiusunit isumagineqarsinnaanera Naalakkersuisunit tatigineqanngitsoq?

Akissut: Majoriat ingerlanneqarnerinut tunngatillugu angusaqarnissamik isumaqatigiissutinik kommunit isumaginnissinnaanerannut Naalakkersuisut tamakkiisumik tatiginnipput. Aalajangersakkap annertusineqarnera Majoriamut atatillugu kommunit suliassaannik arsaarinninnermik siunertaqanngilaq. Akerlianilli siunertaq tassaalluni nunaqarfinni NUIKI pillugit pilersaarutit ingerlateqqinneqarnissaat pillugu isumaqatigiissusiortoqarsinnaaneraniq erseqqissaanissaq. NUIKI pillugu pilersaarut 2012-imiit 2017 ilanngullugu Villum Fondenimiit tapersorsorneqarsimavoq, Inuussutissarsiornermut, Suliffeqarnermut, Niuernermit Nukissiornermullu Naalakkersuisoqarfik kiisalu Ilinniartitaarnermut, Kultureqarnermut, Iisimatusarnermut Ilageeqarnermullu Naalakkersuisoqarfik suleqatigalugit nunaqarfinni inuusuttut pikkorissartinnissaat pillugit suleqatigiinnermi.

- b) Ingerlatsisunik namminersortunik taama isumaqatigiissuteqartarneq Naalakkersuisunit qanoq misilittagaqarfigineqarpa?

Akissut: NUIKI pillugu pilersaarut meeqqat atuarfianni naggataarutaasumik soraarummeertartut naammassisaqartut 90 %-it tikillugit pitsaasumik angusaqarnermut iluaqutaasimapput.

- c) Suliassat siunertap iluaniittut assersuutigalugu akiliisinnaajunnaartoqarnerani imaluunniit ingerlatsisup namminersortup suliassamik isumaginnissinnaannginnerani ingerlatsinikkut, allaffissornikkut aningaasaqarnikkullu illersorneqarsinnaasumik isumagineqarnissaat Naalakkersuisunit qanoq qulakkeerneqalersaarpa?

Akissut: Akiliinerit isumaqatigiissutip annertussusaa apeqquaatillugu aningaasaqarnikkut aalajangersakkanik imaqarsinnaavoq, utertitsilluni akileeqqusinermik tunngaveqarsinnaasoq imaluunniit assersuutigalugu isumaqatigiissutip naammassineqarnerata annertussusaa apeqquaatillugu akilersuisoqarnissaanik aalajangersaasoqarluni. Tassunga tunngatillugu isumaqatigiissummi tunngaviusumik sumiginnaaneq pillugu aalajangersakkanik erseqqinnerusunik aalajangersaasoqarpoq.

Inussiarnersumik inuulluaqqusillunga

Med venlig hilsen


Aqqaluq B. Egede